

Maćeřka ta stara,
Ta je poľna swara
Pjenježkow tych swětłych dla.

Miľe njebo lubje směwa so,
A swoje holčo wjedže pacholo;
Wokol' rjanej' meje
Zejhrawaju reje,
Horkach banty, rubišća.

Meja rubišćata khila so;
Duž kedźbuj, kedźbuj, spěšne pacholo!
Za tym wjeřskom hrać!
Wona leći, hrać za wjeřskom zelenym!

Pacholo so mjerzaše,
Kiž tu meju njekrydze,
Zo nej' holčo jeho
W rejach kralowa.

Do korčmy ducy,
Tu meju w rucy,
Tón hólčik juska
Na sylnych ramjenjach;
Ći hercy hudža
A wjes'le zbudža
A hřaja rjeńše přezpolo.

Zawyskajće, poskakajće,
Wjeselće so rjanej' mlodosće;
Bjeće dar tej' lubosće
Z ruki holičow!